

賊

情

彙

纂

賊情彙纂卷四

偽軍制

逆賊荒誕暴虐已無人理惟於軍制似有
法則渠賊如楊秀清馮雲山羅大綱曾添
養林鳳祥吉文元李來芳輩或久為劇盜
或曾充鄉勇於行陣機宜山川形勢頗能
諳習雖不讀書罔知兵法然皆譎詐機警

逞其毒能竟能成燎原之勢者蓋盜亦有道也試觀始定軍目似亦具有條理如每一軍領一萬二千五百人以軍帥統之總制監軍監之其下則分轄五師帥各分領二千五百人每師帥轄五旅帥各分領五百人每旅帥轄五卒長各分領百人每卒長轄四兩司馬領伍長五人伍卒二十人

共二十五人由本及末一氣通連頗得身
使指應之效其於陣法也任意說造原無
精義然所習用之牽線陣可保既敗不致
全潰伏地陣且能反敗為勝故屢用之不
更其法次則賊之營壘而操縱亦若有把
握度其不必防也則朝行暮宿散處如投
逆旅毫無蔽若於慎防堅守之處則重

濠重牆密，竹釘木椿，甚至封塼加城，其負固又無所不至。攻我堅城，則全恃開挖地道，特籍所擄挖煤山人為土營，復立諸匠營及各典官使，被脅百工技藝，各有所歸，各効其職。役凡軍中所需，咄嗟立辦。賊皆山僻亂民，水師實非所習。自益陽至江甯，擄得民船不下萬艘，遂別置水營，其實

水戰諸法茫然不解不過以船多人取張
其氣勢乘風急駛倏忽即使我軍民自
計寡眾弗敵引避不遑遂得肆行蹂躪恣
意剽掠至於旗幟器械因不惜物力無非
標新立異以侈多華麗為能况驅市人戰
人與器不相習卽有利器亦無所用之他
如營規以多殺示威技藝以敢死為技圖

我則迭施詭計偵探則虐使鄉民不近人
情但求事濟亦未嘗不取效於一時然迹
其逆天悖理行為久已神人共憤賊之滅
亡必速又奚待蒼蔡始知耶夫賊亦自知
罪孽山積為虜賊所不容故謀以自救者
莫不苦思熟計以冀常勝不敗庶緩須臾
之死耳今欲審賊情自以能悉其軍情為

至亟爰採俘獲賊中文案滙萃諸說輯偽
軍制一門分疏條目如左賊之伎倆似可
十得八九矣

偽軍目軍冊

陣法

營壘

土營

附諸匠營

水營

旗幟器械

營規附號令

詭計附技藝

偵探

賊情彙纂卷四

偽軍制上

偽軍目軍冊

賊中冊籍似有偽文案門可歸惟所俘刊本偽
太平軍目伍卒冊及寫本兵冊家冊細載累累
千篇一律捨此數種亦別無所謂冊籍已軍目
兵冊實闕軍制聞各渠魁造逆之始卽先定此

制先立此冊似一應偽制莫不權輿於此尤應
冠於偽軍制之首且逆賊百事妄誕獨於隊伍
之制條目井井雖時有損益於初制終無改移
蓋逆黨自矜行之有效而愈以其法為足恃也
曾以偽軍冊數種延一精敏之士令尋其節目
竟終日茫然無從着手可知稍涉鹵莽且不能
知况行之乎今將各偽冊鱗列互勘考定最後

之制諸冊各標一式庶幾隅舉可知於軍目則
條分縷析之於兵冊家冊則存其原式務求簡
備俾一覽了然不致索解人不得矣或謂賊立
軍師旅卒兩伍諸名目皆倣自周禮夏官之制
廣立鄉官亦卽井田遺意逆賊夸大保無是心
先儒謂必有闕雖麟趾之精意而後可行周官
逆賊殘虐黔黎毫無人理其脅於積威暫充鄉

官者官軍一至甘就編氓拋棄偽官巾服惟恐不速安見其比閭旅黨諸法可行於鄉里哉至其軍目雖竊附古制頗倣戚少保束隊陣諸法惟無什長與之小異更逞其私智肆其慘殺嚴號令肅紀律使人人矢鬪可倖生退則必死之志此則全用威劫賊目殘忍性成人人優為之非必有所師秉也考歷來叛逆雖披猖一時但

伸撻伐無不撲滅其間有竊據地方苟延歲月者亦必畧有所倚恃夫粵匪逆天悖理得罪天下萬世其滅亡也似可跂足而待乃竟蔓延數省羈誅數載旋敗旋熾仍未見其窮蹙所恃無他蓋始定軍目不愆於法有以啟之也其記載也可忽詳哉

偽太平軍目式

前一軍軍帥

前營師帥 後營師帥 左營師帥 右營師帥 中營師帥

前後左右中 前後左右中 前後左右中 前後左右中 前後左右中

營營營營營 營營營營營 營營營營營 營營營營營 營營營營營

旅旅旅旅旅 旅旅旅旅旅 旅旅旅旅旅 旅旅旅旅旅 旅旅旅旅旅

帥帥帥帥帥 帥帥帥帥帥 帥帥帥帥帥 帥帥帥帥帥 帥帥帥帥帥

前營旅帥 後營旅帥 左營旅帥 右營旅帥 中營旅帥

前前前前 後後後後 左左左左 右右右右 中中中中

一二三四五 一二三四五 一二三四五 一二三四五 一二三四五

卒卒卒卒 卒卒卒卒 卒卒卒卒 卒卒卒卒 卒卒卒卒

長長長長 長長長長 長長長長 長長長長 長長長長

前一卒長 前二卒長 前三卒長 前四卒長 前五卒長

東西南北 東西南北 東西南北 東西南北 東西南北

兩兩兩兩 兩兩兩兩 兩兩兩兩 兩兩兩兩 兩兩兩兩
司司司司 司司司司 司司司司 司司司司 司司司司
馬馬馬馬 馬馬馬馬 馬馬馬馬 馬馬馬馬 馬馬馬馬

後十三軍軍帥

前營師帥 後營師帥 左營師帥 右營師帥 中營師帥
前後左右中 前後左右中 前後左右中 前後左右中 前後左右中

營營營營 營營營營 營營營營 營營營營 營營營營

旅旅旅旅旅
旅旅旅旅旅
旅旅旅旅旅
旅旅旅旅旅

帥帥帥帥帥
帥帥帥帥帥
帥帥帥帥帥
帥帥帥帥帥

前營旅帥
後營旅帥
左營旅帥
右營旅帥
中營旅帥

前前前前
後後後後
左左左左
右右右右
中中中中

一二三四五
一二三四五
一二三四五
一二三四五
一二三四五

卒卒卒卒卒
卒卒卒卒卒
卒卒卒卒卒
卒卒卒卒卒
卒卒卒卒卒

長長長長長
長長長長長
長長長長長
長長長長長
長長長長長

前一卒長 前二卒長 前三卒長 前四卒長 前五卒長

東西南北 東西南北 東西南北 東西南北 東西南北

兩兩兩兩 兩兩兩兩 兩兩兩兩 兩兩兩兩 兩兩兩兩

司司司司 司司司司 司司司司 司司司司 司司司司

馬馬馬馬 馬馬馬馬 馬馬馬馬 馬馬馬馬 馬馬馬馬

水營前一軍軍帥

前營師帥 後營師帥 左營師帥 右營師帥 中營師帥

前後左右中 前後左右中 前後左右中 前後左右中 前後左右中

營營營營營 營營營營營 營營營營營 營營營營營 營營營營營

旅旅旅旅旅 旅旅旅旅旅 旅旅旅旅旅 旅旅旅旅旅 旅旅旅旅旅

帥帥帥帥帥 帥帥帥帥帥 帥帥帥帥帥 帥帥帥帥帥 帥帥帥帥帥

前營旅帥 後營旅帥 左營旅帥 右營旅帥 中營旅帥

前前前前前 後後後後後 左左左左左 右右右右右 中中中中中

一二三四五 一二三四五 一二三四五 一二三四五 一二三四五

此賊初定軍目式也曾刊偽太平軍目一冊以一軍為例全刻五百兩司馬前列軍帥旅帥師帥後列卒長每一卒長之下列兩司馬四人尚無東西南北之分及剛強伍長衝鋒伍卒諸名色千篇一律滿紙皆卒長兩司馬字樣不知其軍制者無不開卷茫然嗣得續改軍目眉目較前清楚

因於旱營各舉二軍水營各舉一軍著之
於篇以為定式十軍百軍皆同俾覽者可
以觸類而推尋焉

偽軍冊式

前一軍軍帥前營師帥前營旅帥前一卒長東
兩司馬伍卒

剛強伍長 勇敢伍長 雄猛伍長 果毅伍長 威武伍長

衝破制奏 衝破制奏 衝破制奏 衝破制奏 衝破制奏

鋒敵勝捷 鋒敵勝捷 鋒敵勝捷 鋒敵勝捷 鋒敵勝捷

後二軍軍帥左營師帥右營旅帥前三卒長南

兩司馬伍卒

剛強伍長 勇敢伍長 雄猛伍長 果毅伍長 威武伍長

衝破制奏 衝破制奏 衝破制奏 衝破制奏 衝破制奏

鋒敵勝捷 鋒敵勝捷 鋒敵勝捷 鋒敵勝捷 鋒敵勝捷

左五軍軍帥中營師帥後營旅帥右二卒長西

兩司馬伍卒

剛強伍長 勇敢伍長 雄猛伍長 果毅伍長 威武伍長

衝破制奏 衝破制奏 衝破制奏 衝破制奏
鋒敵勝捷 鋒敵勝捷 鋒敵勝捷 鋒敵勝捷
右十一軍軍帥前營師帥中營旅帥後四卒長
北兩司馬伍卒

剛強伍長 勇敢伍長 雄猛伍長 果毅伍長 威武伍長
衝破制奏 衝破制奏 衝破制奏 衝破制奏 衝破制奏
鋒敵勝捷 鋒敵勝捷 鋒敵勝捷 鋒敵勝捷 鋒敵勝捷

中十五軍軍帥右營師帥前營旅帥左一卒長
東兩司馬伍卒

剛強伍長 勇敢伍長 雄猛伍長 果毅伍長 威武伍長

衝破制奏 衝破制奏 衝破制奏 衝破制奏 衝破制奏

鋒敵勝捷 鋒敵勝捷 鋒敵勝捷 鋒敵勝捷 鋒敵勝捷

每一軍計五百兩司馬今於前後左右中

五軍各舉一兩司馬伍卒冊式著之於篇

以概其餘如號衣上刷印某軍某營某司
馬聖兵左綴剛強二字右綴衝鋒二字卽
知是何軍何營何司馬管下第一伍長所
管第一伍卒如左綴雄猛二字右綴奏捷
二字卽知是第三伍長所管第四伍卒賊
中曾刻偽軍冊長濶二尺以一軍為一冊
計軍帥一人師帥五人旅帥二十五人卒

長一百二十五人兩司馬五百人剛強勇
敢雄猛果毅威武諸伍長各五百人共伍
長二千五百人衝鋒破敵制勝奏捷諸伍
卒各二千五百人共伍卒一萬人合伍長
伍卒一萬二千五百人自軍帥至兩司馬
共六百五十六人合計一軍偽官伍長伍
卒統共一萬三千一百五十六人賊於各

鄉徧置鄉官以一萬二千五百家為一軍
并頒給所刻偽軍冊脅令填註脅令詳造
家冊呈送寓兵於農本周官比閭旅黨之
法然古法以七家供一卒此則一家一卒
似賊中有軍無民矣既籍民以為兵復責
以貢獻恣意剗掠陷賊之民如陷水火彼
蒼好生厭亂豈容賊之肆虐至於此極哉

偽兵冊

前十三軍前營前前一東兩司馬統下

正司馬吉添順

年二十六歲廣西潯州府桂平縣太宣墟人庚戌年八月在金田入營壬子十二月破武瑄封為前一軍前營前東司馬

副司馬汪萬菁

年十八歲湖北武瑄府江夏縣青林寺人壬子二年十二月在武瑄入營癸亥三年破天京封為前一軍前營前東副司馬

書使

陳萬順

年四十五歲湖北黃州府黃岡縣團風人癸亥三年正月在黃州入營

伍長

譚大福

年十九歲湖北黃州府蘄水縣蘭谿人癸亥三年正月在黃州入營

周繡良

年二十一歲湖南岳州府鹿角人壬子二年十月在岳州入營

長伍

陳亞福

年三十二歲廣東廣州府南海縣安樂鄉人癸好三年正月在安慶入營

朱瑋貴

年三十歲安徽池州府貴池縣池口人癸好三年正月在大通入營

馬添林

年四十二歲安徽廬州府合肥縣派河人癸好三年正月在大通入營

姚萬奎

年三十三歲湖北黃州府黃岡縣余家集人壬子二年十二月在黃州入營

張有財

年十八歲湖北武瑋府興國州酒鋪人癸好三年正月在黃州入營

陳守道

年十九歲江西南昌府新建縣吳城人癸好三年六月在吳城入營

董萬喜

年二十八歲江南揚州府江都縣北來寺人癸好三年二月在揚州入營

伍長

高三順

年二十六歲江南江甯府上元縣城內人癸好三年二月在天京入營

黃大興

年二十六歲江南江甯府句容縣茅山人癸好三年二月在天京入營

陳良銀

年四十一歲安徽池州府貴池縣段家漚人癸好三年二月在天京入營

趙狗子

年十七歲湖北黃州府麻城縣宋埠人癸好三年六月在鷲公頭入營

陳發科

年四十一歲河南河南府洛陽縣西鄉人癸好三年正月在九江入營

汪成才

年三十三歲安徽徽州府黟縣汪村人壬子二年十月在漢陽入營

蘇容林

年三十歲江南蘇州府元和縣南廠人癸好三年二月在鎮江入營

伍長

牌尾

黃丹桂

年三十六歲江南鎮江府丹徒縣張官渡人癸好三年在鎮江入營

周家齊

年四十五歲湖北漢陽府漢川縣劉家隔人癸好三年九月在漢川入營

陳小四

年十五歲湖北武瑄府大冶縣冶山人癸好三年九月在興國入營

萬如意

年十四歲湖北黃州府麻城縣宋埠人癸好三年六月在宋埠入營

邱添瑄

年二十三歲湖北武瑄府崇陽縣東四都人癸好三年六月在團風入營

李泉順

年五十一歲陝西西安府涇陽縣皮樓人癸好三年九月在漢口入營

吳長菁

年二十四歲安徽徽州府黟縣宋家冲人癸好三年五月在安慶入營

尾牌 尾牌 尾牌 尾牌

汪毛兒

年十三歲安徽桐城縣練潭人癸好三年十一月在桐城縣入營

朱貴兒

年十一歲安徽安慶府桐城縣天林庄人癸好三年十一月在桐城入營

趙瞎子

年五十九歲湖北武瑯府江夏縣城內人壬子二年十二月在武瑯入營

鄭杏花

年十四歲湖北武瑯府江夏縣城內人壬子二年十二月在武瑯入營

偽兵冊每一兩司馬造一本呈本管卒長
每卒長合四兩司馬兵冊彙造一本呈本
管旅帥每旅帥合五卒長兵冊彙造一本

呈本管師帥每師帥合五旅帥兵冊彙造
一本呈本管軍帥每軍帥合五師帥兵冊
彙造一樣四本分送本管監軍總制將軍
及偽詔書衙如有逃走增添隨時改造節
節呈送每七日各兩司馬館開人數單赴
典聖庫衙領禮拜錢典聖糧衙典油鹽衙
領米油鹽其尊職大館便領敬天父果品

菜蔬等物

偽家冊式

後二軍 年三十四歲廣西潯州府桂平縣白沙墟人庚戌年
軍梁立泰 七月在金田入營八月封前營長東兩司馬九月升
帥 前營旅帥辛開元年十一月封後二軍軍帥十二月蒙

天父

天兄

天王

東王大開天恩封為後二軍軍帥

父梁萬鑄

在家升天

母胡大妹

隨營封為後四軍女軍帥

妻廖大妹

在繡錦衙

妹梁晚妹

北殿內貴使

子梁小保

幼

女梁二妹

幼
以上俱隨營

兄梁立漢

在武宣縣打仗升天

弟梁立海

在家未隨來

梁立洲

在家未隨來

偽家冊每軍自軍帥始至伍卒止人各一
頁亦由兩司馬造送層層彙轉如偽兵冊
之制各軍典官所屬亦造兵冊家冊由各
典官逕送本管總制總制彙造送偽詔書

衙

註



偽軍目軍冊家冊皆以傳
件勘訂程奉璜所說亦同

陣法

昔黃帝造五兵以勝徒手射則以長勝短弓矢
出而五兵之用殺矣同一利器欲求勝人則惟
以有法勝無法此陣法之所當講求而古人代
有傳書也然自火礮之技精一彈可以斃辟易
千人之將列陣能禦之乎矧古之名將多不師
古岳少保之言曰運用存乎一心不泥陣法在

宋已然矣逆賊囚盜烏合何有於陣法惟所用
牽線螃蟹伏地諸陣人多知之於賊情冀無遺
漏不得不圖說而詳記之非以賊之陣法為可
取也其餘設伏誘敵以捨為取將進反退諸伎
倆應詳叙於詭計條內此不載

率 線 陣 圖




賊軍專恃人眾專恃令嚴凡由此城鄉竄彼城鄉必下令作牽線陣行走每兩司馬執旗一面後隨二十五人百人則間卒長旗一面五百人則間旅帥旗一面二千五百人則間師帥旗一面一萬二千五百人則張軍帥旗一面其軍帥監軍總制乘輿馬隨行一軍盡一軍卽續寬路則分雙行狹路則單行肩相挨足相躡魚貫以

進斬然不紊賊眾數萬誠有首尾蜿蜒二三十里之時探役不察每報賊軍排列數十里殊不知不過一線單行並非旌旗徧野也賊令至嚴凡行走亂其行列者斬蓋防人逃走途中有一人將便溲必呼相挨兩三人使之等候結伴徐徐歸隊如隻身憩息路旁所管賊目卽手刃之藉以儆眾故有屎溺狼籍滿身而不敢停步者

若長髮老賊則又不然且容其乘椅轎矣容其
休息民舍矣其牽線行走也此二三十里中但
有官兵迎剿追擊首尾蟠曲鈎連頃刻至集可
以相救每與官軍接仗勢果不支賊目敲金方
准奔竄然仍遵牽線之令此時路寬雖十行二
十行可也但不得斜奔旁逸亦必魚貫而退挽
手急趨官軍往往追之不上及見其隊伍不亂

亦未敢窮追賊知一潰被殲必多故互相攜手
猶能以人眾勢聚拒我此牽線陣之所以始終
不易其制也

螃 蟹 陣 圖



雙蟻陣變形圖





圖 隊 兩 為 變 陣 蟹 螃



螃 蟹 陣 變 為 四 隊 圖







圖 左 偏 陣 蟹 螃




螃 蟹 陣 偏 右 圖



螃蟹陣五分隊圖



大螃蟹小包小螃蟹陣圖





螃蟹陣者乃賊中三隊平列陣也中一隊人數少兩翼人數多形似螃蟹故賊中創此名目逃出難民及慣與賊戰兵勇多知之賊軍平列視我軍分幾隊卽變陣以迎戰如官軍僅左右兩隊賊卽以陣之中隊分益左右翼亦為兩隊如官軍前後各一隊則合左右翼之前鋒為一隊以左右翼後半與中一隊合而平列以為前隊

接應如官軍左一隊兵多則變偏左陣右一隊
兵多則變偏右陣如官軍出四五隊賊亦分為
四五隊次第迎拒其大陣包小陣法或先以小
陣拒我後出大陣包我或詐敗誘追伏兵四起
以包我軍皆賊之慣技至於損左益右移後置
前臨時指揮其權則操之賊目其進退開合之
疾徐惟大旗數人嫻習羣賊悉提心在口視大

旗所往而奔赴之無敢或後故賊中不演技藝
專練急奔大旗數人日至所管偽帥處聽令所
講求者皆接仗機宜一軍用此數人便可役使
萬眾畧無參差振裘挈領深得以簡馭繁之妙
賊目何知想由熟計苦思不覺暗合於竅要耳

百鳥陣圖



百鳥陣賊中有此名目然不常用偶值平川曠
野與我兵戰以二十五人為一小隊分百數十
隊散布如撒星然使我軍驚疑不知賊之多寡
每隊人數僉同又不知宜先攻何處彷徨不進
坐是而失利者有之

伏地陣名又卧虎陣圖



賊中散卒無不知伏地陣者但遇官軍追剿至
水窮山阻之地忽一旗偃千旗齊偃瞬息萬人
數千人皆帖伏於地寂不聞聲我軍急追突見
前面渺無一賊無不詫異徘徊疑神疑鬼賊貼
伏約半炊之頃忽一旗立千旗齊立萬人數千
人風湧潮奔呼聲雷吼轉面急趨以撲我我兵
一疑不釋又增一疑而益以一驚其不轉勝為

敗者鮮矣此陣用於長沙用於南昌武昌亦人所共見者

營壘

夫今之論賊情者非鄙薄易視之卽懲於屢挫深求而高視之二者宜有一是卽以賊之營壘論其易視者若曰賊無帳房賊軍無技藝其防守之術又甚疎但得猛士率精銳千人隨處可以襲之其深求高視者又曰吾嘗與賊屢戰矣其夾江而營阻山以營夾河夾市包我城包我

營以為營動合古法未可輕舉殊不知二說皆非愈以見賊情之不易測其易視者為尤不可用高視之不無畏憚尚有謹慎自防之心不過堅守我寨賊去多日我猶不知為軍士鄙笑而已若驕敵輕進處處敗挫寒士卒之心長狂寇之氣害可勝道哉然則賊之營壘果何如乎要知營壘堅與不堅防守嚴與不嚴則視所守為

何如賊耳曾立瑒踞守揚州朱錫琨黃益芸屯營六合縣河口百務廢弛陳承瑢皆逆料其必敗時告楊逆下偽誥諭誠飭之未幾揚州卽為官軍克復朱黃二賊果全軍覆沒他如石鳳魁據武昌官軍日逼黃再興亦預知其不可守仍賴再興死拒數日且能竄出大東門自脫而兼脫鳳魁石黃兩賊之才已見優劣其他久攻不

下之處所守之賊非曾立瑯朱錫琨等輩可比
從可知矣然亦必視我軍之氣勢方其克復武
漢直抵九江鋒銳不可當幾又無堅不破矣總
之賊營壘非師古法凡守城築寨其有權謀心
計劇賊必躬自躡勘盡攬山川形勢於胸中以
意為之必堅必固且能倚伏相救聲氣相通兵
書良法亦不過如是賊不讀書何曾夢見無非


自苦思熟慮得之譬如世之奸人日以利己損
人為事精神所注一言一動自能有益於己非
必有所師承也至於戰則勝守則固此等劇賊
亦不多有惟其能之是以任之其不能者跂而
效之朝為散卒暮擢偽師豈無為耶往晤戰士
談及賊之營壘動輒鋪張所指諸法皆金湯十
二等泝泝百金方各書中名色與難民所述偽

文告所載都不合今擇其有據不謬者繪圖繫
說其不能知者殊未敢臆造也

註

曾立瑤踞守揚州
云云俱程奉璜說



夾江為營圖



夾江為營賊屢行於武漢黃州樊口田家鎮半壁山諸處於武漢則搭浮橋田家鎮半壁山則橫攔鐵鍊於黃州則堅築壁壘以防北岸南岸僅置兩營此人所共知者殊不知賊眾蹂躪沿江數千里上下多次凡無官軍之處皆水陸三路並進行則同行住則同住必夾江為營如是晚住團風鎮北岸陸路之賊則全住街市民房


南岸陸路之賊則住洲上民房設不敷往則寄
宿於船船分兩岸停泊其房屋較少之一邊則
停船七八成以船二三成停於房多之一岸三
路表裏從不參差其佔踞漢陽漢口當武昌未
陷之日則盡關船隻於小河江邊河口密植木
椿護以木筏我兵可渡而不可登

夾河為營圖




賊軍遇有河道通舟三路並進時亦必夾河為營如夾江法獨於漢陽漢口小河備極經營其通江河口則值木椿兩萬根更以破船塞口中開一閘以堅木柵為門扇用牽車啟閉以放賊船出入河口兩岸各立數營漢鎮之尾橋口地方兩岸亦各立數營中於接駕嘴搭浮橋一道以通往來

阻山為營圖



土 牆




兩山對峙或狹路谷口賊每對屯數營山後多
插旗幟以為疑兵前築土墻上開礮眼架槍礮
以擊我軍此賊之故智守城守險以及攻城必
依山為營或於山腰山頂分立數營如桂林之
象鼻山武昌洪山漢陽龜山蘄州半壁山等處
皆是尋常朝行暮宿悉住民舍從未見其屯於

山岡

夾市為營圖

五 五 五 五 五



五
五
五

五 五 五 五 五


夾市為營則比比皆是如長江埠蔡店漢口宋埠團風武穴大通派河練潭潛港諸處俱以羣賊分踞街市民房而拆門窗複壁板片環立賊壘嚴守三面仍留一面此一面乃賊之來路前通賊境地方寬濶故不必守也

以村莊為營圖



以村莊為營則係剿敗之賊無城池市鎮可踞
遂據大村挑濠築土牆以堅守北五省村莊多
有圍牆瞭臺護莊河賊擾山西河南山東直隸
各境被官軍追急往往踞大村以負隅

包營為營圖




伏賊口營壘

A small diagram in the bottom right corner shows a cluster of several fortification symbols and flags, illustrating a specific tactical arrangement or a detail of the main formation.


我營與賊營對立相抗日久設大股匪繼至則
必突然包營一二日間環我營皆賊壘獨留一
路誘我兵由此徑衝出前以伏兵要之鮮有不
敗者總兵瞿騰龍曾言如倉卒遇此但熟計我
師宜向何處宜退何處併力衝擊之自可突圍
而出慎毋利其稀鬆之處而轉蹈危機也

包城為營




賊攻省城郡城每恃人眾恨不環營以困我然
於長沙武昌南昌或一面濱江或一面有我兵
營壘從無環攻之事其餘彈丸州邑多不能久
持亦不待環攻惟廬州兵單城外虛無壁壘援
兵相距尚遠城未陷先數日賊壘如星棋羅布
四圍幾無隙地

望樓圖





望樓高低無定式必立於至高之處皆拆民房
為之每數營則置一樓上立瞭望者一晝夜輪
換數十人無敢曠誤見官軍至則吹角為號與
官軍打仗則擊鼓搖旗

城上板屋圖




賊守城無布帳亦拆民房度為板屋每五堞置一具高出雉堞數寸凡堅守之城並用磚石將堞口砌閉祇留小孔外視甚至將城加高數尺其餘營壘但築木牆土牆亦必環度板屋相離數尺卽置一具如係土牆鬆不能載則植椿於地上搭板棚畧高土牆數寸

土 牆 濠 溝 圖



濬濠築牆營壘一定之制賊築土牆每樹竹木
為骨折民舍磚石為基址槌擊堅實雨淋不致
坍塌濠溝亦不過寬深而已惟賊中所虜老弱
及城中婦女日以削竹簽為事取用不竭每以
竹簽密釘濠中甚至平地徧插周匝數丈

重濠重牆圖




牆


重

濠

重





牆



濠

賊於我軍攻急之處則濬重濠築重牆第一道濠必密植竹簽第一重牆必用雙層板片疎疎排架用橫木釘而約之虛其中如複壁狀中填沙石磚土重濠亦務寬深而已第二重牆所築為何物則無定或密排整株樹本或壘積鹽包糖包以及水浸棉花包其在永安州時曾以生根活樹間以杉竹篙編成牆壁尤為匪夷所思


木椿十字竹簽圖



木椿多釘於江灘河灘水淺之處使我船不能
近岸其土牆外濠邊卡房外亦多釘之更以荆
棘繫其旁十字竹簽則釘於木椿之外取極軟
竹片交叉密布礮子擊中竹簽微敬而礮子已
無力墮地蓋以柔制剛也大抵賊堅守之處房
屋之外必築土牆牆外開濠濠外又立木牆木
牆外又開重濠濠外釘木椿木椿前立交叉竹

簽其意不過欲多一層卽多一刻耽延可以從容抵拒且使我兵畏難而不肯遽進耳

浮筏為營圖



賊以大木薄數架外樹木城中搭板屋起瞭樓
為營壘木城上開礮眼密架槍礮以向外擊此
多置於江甯城外水營湖口田家鎮漢口等處
甲寅八月官軍克復武漢楊逆屢下偽誥諭搜
括鉤纜廣造木筏營壘曾差偽東殿左七承宣
涂鎮興等陸續運五座至田家鎮其已到者自
為官軍焚燬未到者想當在湖口安慶等處停

泊

註

見
諭

營壘後說

賊倡亂之始勢尚單微時慮我兵聚而殲旃故不敢佔踞城池多依山險或大村巨鎮堅築營寨以自守初無舟楫更無所謂水營然自始迄今從不更其初制不於平野紮營不用鑼鍋帳房其軍行也朝發暮休必止一村一鎮賊目據大宅打館羣賊亦據各民房打館盡搜民間食

物以供啖嚼不足則出裹糧均食之擄得富戶則以刀擬項逼使辦飯其休止之處雖距官軍不遠亦不設備惟於每館各派五賊輪支五更鼓聲夔夔比戶相接徹夜不息天明則角聲烏烏大旗先行羣賊牽線以行莫敢先後若久踞之處或城或鄉或江河鎮市則必堅其壁壘挑濠築牆插簽釘椿其為守也不遺餘力嘗聞難

民述劇賊之夸詞曰其每晚休止不必為備者
蓋確知官兵昏夜不敢遽進必探我所在而後
進及探子往返一宵已過我又轉徙他處且鼓
聲遠聞數里官兵又安知我無備耶總之我於
當守處則重濠重墻不當守處則不營不壘若
官兵則處處為墻為濠然濠淺墻鬆雖有如無
況守夜之法甚疎每以數騎昏夜焚其帳房鮮

不得手云云此等狂悖之言固不必記載今總
論賊之行軍築營諸法特為揭出者庶知賊恪
守初制亦非無說賊行昏夜休止毫無屏蔽雖
處處襲之可也

註

營壘諸說乃瞿騰龍駱永忠方靖蕭長齡梅青及兵勇任福等所說質之程奉璜
皆不謬其賊目夸詞係楊有玉明昌祿石佑高三俘賊所供難民亦多知者

土營

熬翻一法穴地攻城實以火藥發機引火則克
錄云掀翻鉅城如揭片紙蓋甚言之也賊攻城
專以挖地道為得計於道州郴桂等處盡擄挖
煤山人數千另立土營初僅指揮一人將軍分
一二正副四人後又封指揮至三十餘人將軍
六百餘人其總制監軍軍帥至兩司馬俱備至

江寧封土營師帥至七百六十二人其實所轄
並無一萬三千一百之數因穴地有功故悉封
師帥之職非皆統五百人也凡土營之眾賊中
呼為開壠口兄弟賊目優視之專充穴地之役
鮮使打仗既陷一城賊自為守又必將轟損城
垣補葺所開地道填塞亦皆此輩為之擄得泥
水匠悉隸土營凡有興作亦由土營偽官協同

木營偽官督造壬子臘月十二日武昌難民曾
聞一賊鳴鉦傳呼於市曰東王有令開壠口兄
弟卽刻赴大東門監軍衙聽點蓋卽役使土營
修城塞竇也地道之計殊惡然亦視守城為何
如耳賊屢用於長沙南昌城內知覺亦開濠溝
直穿橫截灌水灌糞死賊無算卽被轟城成缺
猶能殺退登城之賊隨卽補繕卒能保守若武

昌江寧未講戰守諸法城大勢散卽賊不穴地
亦未必不失其餘不能堅守之城亦非穴地而
陷賊攻城諸法究以此事為至可恨講守禦者
若能以長沙南昌為法以武昌江寧為戒賊又
安能得志耶

註

黃鼎邵元揆說
與程奉璜說同

附諸匠營

水營土營而外又有木營其卒皆木工金匠營其卒皆金銀匠織營其卒皆織機匠金鞞營其卒皆鞞匠繡錦營其卒皆男繡匠鐫刻營其卒皆刻字匠各營以指揮統之其總制至兩司馬亦如土營水營之制賊中又設各典官名目至繁已詳偽官制內總之擄得諸色目人則分

送各匠營及各典官處謂之聽使各儲其材各
利其器凡有所需無不如意此等匠營暨典官
所屬散卒隨營奏技却不役使打仗然用詭計
以人眾驚我時則百工匠作亦皆使搖旗吶喊
矣

註

考自偽文告及
程奉璜所說